

道門科範大全集卷七之九

全

道門科範大全集卷之七

同八九卷

三

廣成先生杜光庭剛定

消災星曜儀

啓壇行道

法事陞壇如式

都講舉各禮師存念如法

高功宣衛靈呪

東方

九炁青天明星大神 煥照東鄉 洞映九門

轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇群
奉承正道 赤書玉文 九天符命 攝龍驛傳
普天安鎮 我得飛仙 和與道合真

南方

三炁丹天 煥景流光 熒星轉燭 洞照太陽

舍三

上有赤精 合契虛皇 開明靈童 號曰華房

總統火兵 備守玉堂 斬邪束妖 剪截魔王

北帝所承 風火莫當 流鈴交煥 翊衛壇場
正道流行 敢有巴狂 我享上功 坐運魁罡

億劫長存 保天無疆 和與道合真

西方

七炁素天 太白流精 光耀金門 洞照太冥
中有素皇 號曰帝靈 保神安鎮 衛我身形
斷截邪源 王道正明 宮殿整肅 三景齊并
道合自然 飛昇紫庭 靈寶符命 普惠萬生
元皇正炁 來合我身 功加一切 天地咸寧
和與道合真

北方

五炁玄天 元始徘徊 辰星煥爛 光耀太微
黑靈尊神 號曰層威 統冠飛天 仙裙羽衣

備衛五門檢精捕非敢有干試豁落斬摧
玉符所告神真八威邪門閉塞正道明開
映照我身三光同輝策空駕浮舉形仙飛
和與道合真

中央

舍三

二

一炁黃天調理乾坤陶鎔陰陽總統玄真

鎮星吐輝流煥九天開光童子號曰天璘

元炁陽精焰上朱煙洞照天下及臣等身

百邪摧落殺鬼萬千中山神呪普天使然

五靈安鎮身飛上仙和與道合真

都講舉鳴法鼓二十四通

高功發爐

無上三天玄元始三炁太上道君召出臣等
身中三五功曹左右官使者左右捧香驛龍
騎吏侍香金童傳言散花玉女五帝直符直
日香官各三十六人出出者嚴裝顯服冠帶
垂纓關啓玄壇土地方域神真臣今宿啓告
齋建壇歲事謹奏爲入意其諸情悃具載疏
文以今啓壇設位備物陳儀儼清衆以無譁
演真儀而有倣揆辰協吉錫羨云初虔罄精

誠上千層極天上天下咸乞聞知願得

太上至真道炁靈寶慧光下降流入臣等身
中令臣所啓之誠速達徑御

至真無極大道

三清上聖

舍三

昊天金闕玉皇上帝御前

都講舉請稱法位

三

具位臣某與臨壇列職官衆等謹同誠上啓
大羅九皇至尊十方上聖三界應感一切真
靈臣聞天不祐于鮮德內盡情而可以動穹

極之尊士不崇於匪儀外盡文而可以舉仙
科之祕惟致情文之謹乃蒙真聖之臨況三
錄重黃錄之儀而九壇貴黃壇之盛今則恭
被叢楹之祕肅開華縵之場旗獵天風召五
方之真氣劒橫北斗淨千里之妖氛衆香馥
以揚烟法鼓琅而振響儼洪規而肇始勸衆
志以惟寅吟空洞謠歌之章延上聖高尊之
馭大敷張於齋格用懺洗於罪根伏願凡悃
遙通帝心下降誕形丕應洞察至誠先遣監
齋監醮真官侍經侍香仙媛傳言玉女奏事

金童來臨圭潔之場共領忱情之禱證明法
事周洽願心然後玉羽群翔駐鸞驂於靜夜
翠華咸建肆玉軼於層空或乘胎化之仙禽
或駕飛雲之天駟紛然來格敢不欽承啓茲
玄感上御

至真无極道前

知磬舉起敬贊

唱十方

禮足各長跪皈命懺悔

臣法衆等志心皈身皈神皈命

十方无極大道太上靈寶天尊恭望洪慈洞
垂巨澤普降洪恩臣聞盡天下之物不足以
交神明修胷中之誠斯可以應天地矧乃玄
元之教莫非清淨之門儻三業六根之過存
豈一純二精之能格當齋科之謹始欲塵慮

舍三

四

以先除庶藉宣揚以伸昭格伏念臣與醮主
某自從曠劫乃至今生三業根深十惡障重
有妙湛之體爲情所昏有虛明之用爲物所
蔽欲惡盛而性有萑葦聞見踈而智亦聾聵
不能外身而多身殃不能減口而多口過意

有所至愛有所爲積其有涯之生造徧無邊
之罪今則對列真而懺悔體妙道以修爲諸
業生於諸根塵塵是妄有身孰不有患物物
迷真爰即靈壇盡祛惡障心踈瀾而內觀無
礙性虛淨而外境不爲翦翦之佞皆除津津
之惡悉去已作之故業永不蹈於覆車未造
之新殃更不投於深窞庶全身而遠罪無見
利以忘真伏願衆聖洞昭皇靈遠燭以瑤池
之水洒濯於群心以甘露之華滌除於衆垢
衰相罪根之消滅靈光慧性之圓明恪堅爲

善之心仰俟降康之澤禍沉九地福起十方

臣等稽首禮謝

無上至真三寶

布真文

知磬舉三啓頌

三禮

舍三

五

重稱法位

具位臣某與合壇官衆等謹同誠上啓

虛无自然元始天尊太上玉晨大道君大王

金闕老君太上昊天玉皇上帝九皇至尊十

方靈寶天尊諸天大帝三十六部尊經玄中

大法師上相上宰上傳三官五帝十一
大曜星君十神太一真君南斗六司星君北
斗七元星君周天乾象二十八宿十二宮神
三百六十五度諸天列宿本命元辰天曹職
司九天真宰三山五嶽福地靖廬厚地洞宮
嶽瀆主宰三界應感一切真靈臣聞天不顯
符默有開先之命帝能降鑒俯垂眷祐之情
儻率勵於翹勤必導迎於景貺臣等式循科
法備舉明科壇開預夕之嚴詞吐中情之切
上資家國普濟幽明先期齋範之行倣載真

庭之啓驛龍上奏羽蓋分馳鑒神壇之權輿
示天威於咫尺保全釐事將覃及於人天克
舉重修庶雄成於志願披誠伊始隕祉有初
弟子詞誠謹當宣示

宣詞

諦詳詞語灼見至誠罄純意以彌勤望真旂
而乃睽霞裾旅集雲篆數披縉壇欵劔珮之
臨玉祀轉旌幢之影儼珍饈而侑供酌醴醑
以交神鍾虞奏音與信詞而並發爐香騰氣
隨馨德以升聞諒冥感之交通獲上靈之昭

應臣等備員攝事按式宣科先取陰時說戒
以今建壇爲始敷行法事伏乞

太上三尊十方眾聖玄中大法師應感真靈
勅勒監齋曹屬土地真官載肅威神式嚴壇
宇用俟雲駢之集以迎天仗之來使邪穢蕩

舍三

六

除埃氛遠隔宇宙澄寂八風不翔令臣等神
氣不遷思念立感啓奏上達成就齋功須明
且清曉依法行道續以啓聞

發願

都講舉存神燒香

高功復爐

香官使者左右龍虎君侍香諸靈官當令臣
向來宿啓建壇之所自然生金液丹碧芝英
百靈衆真交會在此香火爐前當願螳誠上
達鳳輦下臨察其五蘊之情畢乃一壇之願
使災不生而禍不作壽彌久而福彌昌厥子
厥孫轉榮轉貴十方仙童玉女接待侍蘭煙傳
臣向來所奏之誠速達徑御
至真无極大道

三清上聖

昊天金闕玉皇上帝御前

知磬舉出堂頌 出戶

引至六幕堂

道門科範大全集卷之七

舍三

七

道門科範大全集卷之八

廣成先生杜光庭剛定

消災道場儀

設醮行道

都講舉各禮師存念如法

高功宣衛靈呪

五星列照煥明五方 水星却災木德致昌
熒惑消禍太白辟兵 鎮星四據家國利亨
名刊玉簡字錄帝房 乘飈散景飛騰太空
出入冥無遊宴十方 五雲浮蓋招神攝風
役使萬靈上衛仙翁和與道合真

都講舉鳴法鼓二十四通

高功發爐

無上三天玄元始三炁太上老君召出臣等
身中三五功曹左右官使者左右捧香驛龍

騎吏侍香金童傳言散花玉女五帝直符直
日香官使者各三十六人出出者嚴裝顯服
冠帶垂纓關啓此間土地方域神真臣今設
醮朝修謹奏爲入意其諸丹悃具載疏文願
得

太上十方正真生炁靈寶瑞光下降流入臣
等身中令臣所奏之誠速達徑御
至真无極大道

三清上聖

昊天金闕玉皇上帝御前

都講舉請稱法位

具位臣某與合壇官衆等謹同誠上啓

虛无自然元始天尊太上玉晨大道君太上
金闕老君太上昊天玉皇上帝九皇至尊十
方靈寶天尊諸天大帝三十六部尊經玄中

舍三

八

大法師上相上宰上傳三官五帝十一

大曜星君十神太一真君南斗六司真君北

斗七元星君周天乾象二十八宿十二宮神

三百六十五度諸天列宿本命元辰天曹職

司九天真宰三山五嶽福地靖廬厚地洞宮

嶽瀆以主宰三界應感一切真靈臣聞玉天嚴
遠難陞浩劫之家金洞渺清徒仰素靈之館
粵真帝而在上握化紀以居中啓十方無礙
之心應物而動號三界大慈之父視人如傷
俯仰鬱羅之臺卷舒投芥之劫回瞻萬兆悲
晉畧之蟬蛻俯眄九塵嘆漢宮之螻蛄自惟
下俗分絕仙階益憑受著之科詳罄精微之
懇今有某嚴持信幣密款仙庭冀天鑒之下
觀察塵情之片善伏願九清至聖離曲密之
華宮十極元皇從飛虛之法駕百億天丁後

轡丹颺千二官君前迎翠輦擲火萬里下呼
陽而召陰旋香三輪上出日而入月極東遊
於熾水盡西景於虞汧南造朱陵之宮中盤
黃疑之府北盡夜城之闕下殫丘寒之泉至
於魯稱教父由太極之從行西號世尊自延
舍三
真而密侍元始符命疇敢不祗俯傾心請之
九
誠仰望雲臨之駕臣等與齋官某無任欽竚
之至稽首頓首再拜奉迎聖駕

降兩班聖位

三界衆真醮筵列聖向伸拜請諒沐光臨請

各整於僊班共祗迎於

帝馭

降帝

雲輿

鸞輿至止鶴駕臨軒與醮列真如儀朝禮朝
禮既周請陞醮席禮官上香設拜初進酒

知磬舉散花

奏樂

具位臣某與臨壇官衆等謹重誠上啓

三清上聖寶界真靈竊以一元布景本無高
下之私萬兆肖形盡育清和之炁既死生之
寢遠遂好惡之森繁穢身縱溺於沉迷

大道每垂於善貸或罪根之彌甚慮陰責之
潛加苟悟百非即消萬禍今弟子某識神冥
滯營魄震驚由浩劫以淪胥亡元靈而奔躁
不攀覺樹樂登於炎鋒不契真庭甘焚於火
宅六曹縱逸三業纏綿迪惟高聖之宣慈大
庇舍生而開度今弟子某皈道自首祈天博
容伏乞

至聖上靈高真大帝垂恩度厄錫命除殃解
片體之陰愆除億曾之冥錄闕罪先期於冰
釋迎釐次竚於雲臻俯伏對揚屏營待報欲

陳詞意仰進丹闈臣雖已考詳尚虞舛駁輒
冒天禁戰悸申聞齋意詞誠謹當宣奏

宣詞

按如詞言文理甚切披陳血膽傾寫精誠俯
伸臣子之誠庶盡謙恭之分仰乞

舍三

十

諸天上聖三府威靈俯賜威光洞垂昭鑒伏
願齋功紀籍道果資身增命祿於將來保椿
齡於向去仰荷真靈之德將祈福祐之恩臣
與醮官等無任懇祈之至再拜上香酒陳亞

獻

奏樂

臣謹重伸上啓

九清上聖十極高真合座應感一切真靈臣
聞玉帝鑒觀金真伺察感群生之布欸采庶
品以流恩上士希仙即萬真而獎就善人徼
福乃百順以妙嚴真貴精微事符響答今弟
子某騰詞清夜驛意紫閣爰啓誠心覬膺靈
貺伏願解除世網進補仙階如許映全家俱
入華陽之館類劉綱盡室溥陞單綠之天陰
陽之數已逃生死之根永謝或干利仕使亦

踐於崇高或計資儲使亦豐於貨殖尊卑富
壽中外興昌幽明息訟之寃出處有亨嘉
之美慶均嗣續惠及親踈水火兵賊之災凶
無侵閭里夫婦女男之否厄不犯形軀庶保
生全永嚴香火會三臣與黜官等無任激切之至
再拜上香酒陳終獻十一

奏樂

臣謹重誠上啓

黜筵感降三府真靈臣聞太極肇分二儀列
高卑之象元精既散五行推變化之方一寒

一暑而歲成一陰一陽而道立火炎而雨潤
雷動而風行生之成之盡出於陶鎔鼓舞動
者植者莫逃於消息盈虛理有盛衰時有損
益於坎則歸根復命於艮則反始成終是以
陽生必自於北方帝出乃由於震地蓋一元
之所始寔萬化之所宗故辰極端然居中則
衆星所以拱北發天地好生之德運陰陽不
測之神恢張出入之機總覽生成之柄況人
之禍福與時之盛衰悉在統臨盡由宣納設
醮弟子某久荷生成之德肅嚴香火之誠敢

盡懺禳恭伸懇請念天人之交可畏唯善是
親諒神明之德無私至誠可感願霈慈悲之
澤爲收悔謝之誠臣與醮官等無任激切之
至再拜獻湯

奏樂

重稱法位

具位臣某與臨壇官衆等謹重誠上啓

大羅九皇至尊十方上聖三界應感一切真
靈臣聞黷則不告聖人垂簡易之文天且弗
違至道演披陳之典臣等欽崇上聖願被靈

恩敢不淨穢丹元洞防司殺奉明科而視禮
約仙禁以踐言一日告盟百身無改今則法
事粗息罄寶月於洪儀夜如何真落銀河於
清漢鳳冠燈焰將欲暗於百卮鵲尾爐煙時
已然於千和洞章八闕玉酒三鍾燎朱火於

舍三

十二

天錢即歸空際促瓊鐘於仙籟將返霄間玉
節邈迤於紫虛寶蓋飄飄於碧漢向還玉京
者無極之尊帝復昇金闕者太上之真皇衆
靈咸從於丹轅列聖皆驂於紫策傍飛月鳳
指洞室以分驅控馭雲龍瞰滄溟而下邁神

司復職將吏還司委釐福以充庭敞靈光之
在目至於生生萬彙皆均樂育之私寂寂九
幽盡被超昇之澤臣等凝瞻法從結想太空
極恨塵波難留聖躅臣與醮官等不勝攀戀
之至奉送聖駕

知磬舉送聖頌

都講舉存神燒香

香官使者左右龍虎君侍香諸靈官當令臣
設醮朝修之所自然生金液丹碧芝英百靈
衆真交會在此香火爐前當願十方仙童玉

女接待蘭煙傳臣向來所啓之誠速達徑御
至真无極大道

三清上聖

昊天金闕玉皇上帝 御前

舉寶花圓滿天尊 奏樂

告三

十三

送神 化財 向來 回向 禮畢

道門科範大全集卷之八

道門科範大全集卷之九

廣成先生杜光庭剛定

消災星曜儀

散壇行道

法事陞壇如式

都講舉各禮師存念如法

高功宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風
役使萬靈 上衛仙翁和與道合真

都講舉鳴法鼓二十四通

高功發爐

無上三天玄元始三炁太上老君召出臣等

身中三五功曹左右官使者左右捧香驛龍
騎吏侍香金童傳言散花玉女五帝直符直
日香官使者各三十六人出出者嚴裝顯服
冠帶垂纓關啓此間土地方域神真臣今設
醮朝修謹奏爲入意其諸丹烟具載疏文願

得

太上十方正真生炁靈寶瑞光下降流入臣
等身中令臣所奏之誠速達徑御

至真无極大道

三清上聖

舍三

昊天金闕玉皇上帝

御前

十四

請稱法位

具位臣某與醮壇官衆等謹同誠上啓

虛无自然元始天尊太上玉晨大道君太上
金闕老君太上昊天玉皇上帝九皇至尊十

方靈寶天尊諸天大帝三十六部尊經玄中
大法師上相上宰上保上傳三官五帝十一
大曜星君十神太一真君南斗六司星君北
斗七元星君周天乾象二十八宿十二宮神
三百六十五度諸天列宿本命元辰天曹職
司九天真宰三山五嶽福地靖廬厚地洞宮
嶽瀆主宰三界應感一切真靈臣聞昔在延
康氣未分於清濁肇判太極形乃正於方圓
一生二而二生三地法天而天法道上羅星
斗下列山川三清爲衆聖之尊四府受萬靈

之職杳冥之外恍惚之中或結煙以成宮或
聚雲而作殿群仙羅列上朝浩劫之尊萬象
回旋高拱紫微之帝以至大千沙界無極神
鄉府有泉曲之名山有羅艷之號官則掌於
天地水局則分於左右中三十六曹二十四

舍三

十五

獄杳杳鼇岫浩浩鵬溟鯨揚波而噴雲雷蜃
吐霧而成樓閣金臺玉觀隔弱水以無邊蛟
室龍宮鎮深淵而莫測陽間衆聖廟食尊神
誠能禦於大菑或以化而勤事黃帝正名百
物后土列位九州乃至郡邑之封城隍之守

爲國家者有社稷焉載於祀典之文合於聖
王之法是以太虛清朗列宿熒煌燈交蘭芷
之光香裊沉檀之炷伏望鸞驂鶴馭翩聯齊
下於遙天風馬雲車絡繹俯臨於凡界臣與
代禮官等謹稽首再拜奉迎聖駕

降兩班聖位

三界衆真醮筵列聖向伸拜請諒沐光臨請
各整於仙班共祇迎於
帝馭

降帝
雲輿

鸞輿至止鶴駕臨軒與醮列真如儀朝禮朝
禮既周請陞醮席禮官上香設拜初進酒

知磬舉散花

奏樂

具位臣某與臨壇官衆等謹重誠上啓

三清上聖寶界真靈臣聞鬱羅蕭臺太上所
居之處大浮黎土天尊說法之時感一國以
傾心召十方而詣座初登獅子之上次入寶
珠之中接引衆生敷揚妙道始於一遍則龔
病皆愈終於十回則枯骨成人四炁朗清悉
神光於宇宙五色鬱勃益仙仗於虛徐自是

正法恢張真詮流布上以消於災變下以度
於人民兩曜無此而不明二儀無此而不立
非真人莫之能悉惟上士可以力行若夫太
上降於周初天師生於漢世傳拜表上章之
法示建齋設醮之儀可謂炳若丹青昭然日

金三

十六

月顧慚臣等謬列仙班蓬心未達於玄關蒿
目難窺於聖域抱黃回紫那曉於七液周流
出青入玄豈明於二氣吐納修真既昧濟世
爲先念醮主某身處凡籠心皈至道舉族齊
莊之致禱稽首皈命以迎真伏惟

天象高明報應猶如於影響凡情懇切祈禳
莫若於純誠故黍稷以非馨惟蘋蘩之可薦
所陳丹悃具在詞文仰對高真謹當宣奏

宣詞

按如詞言誠深修奉所宜騰奏必獲感通臣
聞開明三景敷落五篇此乃謂之天根故能
保於劫運元網流演既周而於十方梵氣彌
羅乃生成於萬物至於首出庶物陰隲下民
司災福則有星曜以推移示感應則有雷霆
之震怒惟

皇上帝獨主御於群生彼蒼者天實覆臨於
下土故有修禳之法以爲黜謝之方黜主某
伏念性本恫恻生爲假借託聖主休明之運
染中華禮義之風貪嗔癡豈免於過說身口
意寧無於罪咎爰從多劫乃至今生或事君

舍三

十七

以未忠或養親而不孝捨慈捨儉或違三寶
之文行盜行姪或犯九真之戒愛憎在念諂
曲存懷指天地以詛盟引神祇而呪誓質遷
交易惟利已以虧人動作施爲輒乖真而背
道俯逐走獸仰射飛禽縱殺生於刀几之間

恣懽樂於杯盤之上遂使業深滄海罪積丘
山三尸奏於上穹五帝言於地府司命奪算
不善而有餘殃天道禍淫獲罪而無所禱今
茲懺悔並願消除仰憑

太上之恩俯赦多生之罪自今已往寧忘改
過之心來者可追庶獲自新之路臣與醮官
等無任激切之至再拜上香酒陳亞獻

臣某等謹同誠上啓

三清上聖寶界真靈臣聞大道無形強名曰
道萬物歸而不爲主百姓用而莫能知到襄

城之野則七聖皆迷聽東郭之言則九年大
妙副墨初開於洛誦玄冥得自於參寥方求
魚則未可以忘筌欲盡意則莫先乎立象然
後知色不色玄覽可以無疵觀空亦空虛室
從而生白盡性則始於日損復命則終於無

爲入衆妙門離諸疑網三十六部五千餘言
或傳受於人間或祕藏於天上崇奉敬禮者
獲福輕泄漏慢者招殃醮主某重念草芥微
生昆蟲薄類望高穹而注想瞻碧落以投誠
猶獺祭魚顧有感通之德如葵向日惟傾祈

仰之心所以誦三洞之經文伸三時之香火
璇璣皆轉而諸天齊到琳琅振響而萬神皆
聽託茲甚重之功求介不回之福上消陽九
之數下禳百六之災長幼康寧內外清肅上
生監簿標名姓於丹臺注算真君增壽年於
舍三
青簡長生久視日富月昌享五福之全躋降
十八
百年之有永必有餘慶允符大易之文消諸
不祥克叶仙經之語臣與醮官等無任懇祈
之至再拜上香酒陳終獻

奏樂

具位臣某與臨壇官衆等謹同誠上啓

虛无至聖三界群真恭望洪慈洞回昭鑒臣
聞至道宏深叩之匪易真慈杳邈格以甚難
況蒙降鑒之私無殆吉蠲之薦矧敢施薄而
望重在誠詞切以志懃固有瀆於聖聰願少
回於真聽醮主某叨生之後惟善是從慮三
業之愆非玷列曹之筆牘星文會合災數當
躔若非密布於祈禳何以有干於赦宥臣等
謹依科式嚴列詞情沐浴身心精誠關奏冀
升元極永副凡情乞爲醮主某上消天災下

散地禍解除一年之內四季之月五星行度
四柱相刑不祥一切之災貴使壽算遐長如
松椿之有永災屯不作若蘭蕙之馨香門閤
光華子孫榮盛輯寧景化沐詠淳風三光明
照於上穹九稼滋豐於下土邊烽罷警荒徼

舍三

十九

歸仁山川效祥神明會福三塗六趣俱息幽
牢動植飛沉咸均養育天司地府月職幽僚
嶽瀆山川神明正秩揚道風而助化蕩邪沴
以安人上願天地節而四時成陰陽和而萬
物遂巽風坎雨每潤浹於田疇旱魃水妖無

侵凌於分野鬼邪滅爽時疫不敢流行神明
護門怪異自然消伏溥天率土壽域春臺臣
等無任恭虔再拜獻湯

奏樂

重稱法位

具位臣某與臨壇官衆等謹同誠上啓

大羅九皇至尊十方上聖三界應感一切真
靈臣聞上極圓羅下窮方載無邊列聖有位
真仙或領金闕瓊宮或治豐都岱嶽或居河
海或主壇祠其降也浮空而來其去也不行

而至萬騎齊動擁儀仗之自然九鳳交鳴駕
風雲而迅速臣等仰瞻雲馭已在青霄徒切
傾心謹當拜送

知磬舉送聖頌

都講舉存神燒香

香官使者左右龍虎君侍香諸靈官當令臣
設醮朝修之所自然生金液丹碧芝英百靈
衆真交會在此香火爐前當願十方仙童玉
女接待蘭煙傳臣向來所啓之誠速達徑御
至真无極大道

三清上聖

昊天金闕玉皇上帝

御前

舉寶花圓滿天尊

奏樂

送神

化財

向來

回向

禮畢

道門科範大全集卷之九

舍三

二十



